

本訂修

中國歷代醫學史略

附(藥物學史略)

張贊臣編著

K

中國歷代醫學史略

（附）藥物學史略

張贊臣編著



2689/03

中國歷代醫學史略

開本：762×1067 1/32 印張：3 頁數：48 字數：38.6千

編著者：張 贊 臣
 校訂者：張 仲 助
 審定者：上海市中醫師學術研究會
 出版者：張贊臣中醫師
 上海(9)鳳陽路461弄西祥康里77號
 經售者：千頃堂書局
 上海漢口路296號
 上海中醫書局
 上海山東中路26號
 印刷者：洪興印刷所
 上海山海關路406弄20號

製版：洪興 裝釘：楊同興

* 有著作權·不准翻印 *

1933年9月第1版——第1次印刷
 1955年5月修訂1版——第2次印刷
 印數：(重)1,101—3,100冊 定價：八角

增訂贅言

本書自初版及再版刊行，已二十餘稔。此二十年中，實爲中醫界之轉捩點，如學術方向之研討，法律地位之爭取，頗多可記之處。尤其近年中醫科學化與進修制度之確立，更有利於中醫之發展，而醫史一門，漸爲當世所重視。蓋依據社會發展之規律，考察歷代先哲之勞動成果，與夫當時之社會條件，其所影響於醫學者，尋本溯源，究其進退之由，以爲未來行動之指針，固舍此莫屬也。

雖然，中醫書冊受舊中國廢止中醫案之激盪，刊行者不爲不多，獨於醫史一科，向少專冊。解放以後，由於各地進修學習之普遍開展，對醫史書刊需求之切，甚於往昔，是以團體學校，暨私人傳習者，聞予舊有成書，購索一空，且以重刊爲請。余因原書簡略，未盡愜意，頗思徹底改編，但以診務會務，冗集一身，殊乏握管之暇，遲遲未果。今以各方矚望之殷，特就原

刊校其誤奪，補其脫略，重加增訂，以嚮讀者。世有同嗜，倘能賜以匡正，或就吾書補苴而發皇之，尤所望焉！

張贊臣 一九五四年春月

朱序

學術由創新而進化，或守舊而退化，一代有一代之環境，一事有一事之因果，窮源溯委，莫不有痕跡可尋。學者若不明此痕跡，則不獨無以負繼往開來之責，且將貽數典忘祖之譏。史學即尋此痕跡之科學，其關係之大，從可知矣。

我國醫學發明於神農、黃帝之秋，於世界爲最古，流傳至今，垂數千年，中間著述，汗牛充棟。關於醫事之沿革，雖各史有方技傳以紀個人之略歷，然零星碎錦，獨少系統，欲於歷代醫家之地位，思想之變遷，疾病之狀況，作剴切詳明之有系統敘述，則令人興鳳毛麟角之感焉。

嘗觀西洋醫史，方其在公元前千六百餘年之埃及、希臘時代，唱四元論、實體論，較之吾國上古五運六氣之說，相差不遠。厥後由四元論演進爲液體病理、血液病理、神本病理、靈魂病理、神經病理、寄生說病理、臟

器病理，降至近世，得科學器械之助，更發明各種病原微生物等，其變化愈多，則進步愈速，此自然之理也。

夫我國醫學，自仲景之後，繼承於魏晉，中興於李唐，紛歧於宋元，因循於明清。穎異之著作家，如孫思邈、王燾、劉完素、張子和、李東垣、朱震亨，下至喻嘉言、柯韻伯、高士宗、張隱庵、徐大椿、陳念祖之流，或因家人多病，或因利祿無緣，乃矢志於醫，惜其時尙無解剖生理爲之基礎，及藥理化學爲之應用，其學說與思想，處處不能脫離內經、金匱、傷寒之範圍，因此數千年來無進化之可言，真憾事也。

近者歐風美雨，挾太平洋之潮流，以襲擊於我國，國醫之命脈，不絕如縷。張子贊臣爲國醫運動之健將，近輯中國歷代醫學史略一書，凡三萬餘言，始自炎黃，迄於民國，敘醫事之沿革，學說之變遷，若網在綱，有條不紊，其於國醫之改造與建設，俱有深切之關係。方其書將付印，爰爲序。

公元一九三三年四月浙江仙居朱壽朋謹識

秦 序

讀了張君贊臣所著中國歷代醫學史略後，可以看到中國醫學發明極早，而隨時受着封建壓迫和反動統治的影響，不能充分發展，使人非常痛惜；然而私人醫家抱着拯救生民的精神，窮思竭慮，不斷地深刻研究，是值得景仰的。所以中國醫學是有進步的，有價值的，數千年來在國內相傳不衰，不因惡勢力的摧殘而毀滅，並已引起世界各國的重視，用科學來發掘、證明，決不是偶然的。

再看全書內所舉的代表人物與著作，更可瞭解到醫學思想的轉變與技術的精進，前人的豐富遺產，都是珍貴的經驗寶藏；雖局限於時代與區域的因素，不免學說紛歧，倘能加以整理和提高，既切合於我國人民的生活習慣而解除疾苦，也是無可否認的。

本書從事實上來說明中國醫學演進蛻變的因果，另一方面，還啓發我們作進一步研究，尤覺意味深長。趁此三版增訂印行，爰書數語於端，以爲紹介。

一九五四年元旦 上海秦伯未

例言

- 一、本編係編者前任中國醫學院教授時所編之講義，經略加增刪而成。
- 二、本編可作醫校「醫史」科之教材。
- 三、本編分「縱」「橫」二大綱，縱的發展主時間性，略述歷代醫學思想之變遷，橫的成就，取分科性，敘各科之實際內容。
- 四、本編縱的發展分上古、漢唐、宋、金元、明、清、民國、中西匯通等八節。橫的成就分本草、脈法、辨舌法、女科、幼科、推拿、瘍科、喉科、眼科、腳氣、霍亂、痧脹、鼠疫、虛勞、溫熱、時代病、地方病、針灸、導引術、調攝法、呪由科、醫史、醫案等二十三節，並摘記各名醫之姓名、事略、著作內容等。
- 五、中國醫學史資料，散見於歷朝諸史及諸筆記，而向少系統之專書，斯編之體材，尙屬新創，個人主觀不同，乖誤遺漏，尤所難免，尙希高明有以教正之。

中國歷代醫學史略目次

增訂贅言

序

例言

第一篇 縱的發展

上古	一
漢唐	二
宋	四
金元	五
明	七
清	九
民國	一六
中西匯通	一八

第二篇 橫的成就

本草	一九
脈法	二一
辨舌法	二二
女科	二三
幼科	二七
推拿	三三
瘍科	三四
喉科	三七
眼科	三八
腳氣	三九
霍亂	三九

痧脹	四一
鼠疫	四一
虛勞	四二
溫熱	四三
時代病	四四
地方病	四五
針灸	四六
導引術	四八

調攝法	四九
呪由科	五〇
醫史	五〇
醫案	五一
附錄	
中國藥物學史略	五三
跋	

中國歷代醫學史略

張贊臣 編著
張仲勛 校訂

第一篇 縱的發展

(一) 上古

上古療病以巫術爲主，故山海經大荒西經有神醫巫彭、巫咸。舊傳神農嘗百草，以辨藥之氣味，而本草賴以發明；黃帝與岐伯等君臣問答，而明經絡、臟腑、運氣、治療之原，著素問、靈樞各九卷，以定針灸補瀉之法，後世合稱內經；脈法相傳始於素女，以辨虛實寒熱。此三者，雖疑爲周秦間人所僞託，而其學說之淵源，除陰陽五行，爲東周以後之產物外，當在西周以前。按其學術之性質而爲之分類，則爲醫經、醫方二類，醫經猶今言醫學，醫方猶今言藥學也，故神農本草，當屬醫方，靈樞、脈法，則同屬醫經。此

外有醫和、醫緩，並爲春秋時期之良醫。有難經八十一章者，舊題秦越人撰，實出三國，然其中多闡發內經之旨，以補內經所未言，即間有與內經不合者，蓋別有考據也。

秦越人勃海鄆郡人，得長桑君之傳，治病能洞見癥結，特假診脈爲名耳。過邯鄲，聞趙貴婦人，卽爲帶下醫，過雒陽，聞周愛老人，卽爲耳目痹醫，入咸陽，聞秦人愛小兒，卽爲小兒醫，後爲李醯刺死。詳見史記扁鵲倉公傳。

(二) 漢 唐

相傳伊尹有湯液治病之法。漢志有湯液經法之著錄，仲景著傷寒雜病論，專以方藥爲治，分三陽三陰等篇，立三百九十七法，一百一十三方（缺禹餘糧圓，實存一百十二方），今有成無已註本及林億校之宋本。歷來治外感病法，咸據此書，又有金匱玉函經三卷，上卷論傷寒，中卷論雜病，下載

其方，乃爲傷寒論之別本。仲景書原本於上古相傳之經方，而集其大成，非此方不能治此病，非此藥不能成此方，所投多效，如桴鼓之相應，義理如神龍出沒，後世醫學者，皆莫能出其範圍也。

張機字仲景，後漢南陽郡人，幼穎悟，博通羣書，潛心道術，嘗學醫於同郡張伯祖，久之，盡得其術。靈帝時舉孝廉，官至長沙太守，後至京師，醫名大振，當時稱爲上醫。

王叔和晉高平人，名熙，曾爲太醫令，著有脈經十卷。

千金方三十卷，唐孫思邈所撰，凡診病之訣，本草之用，針灸之法，以至導引養生之術，無不周備，獨傷寒未之及，更撰千金翼方三十卷以輔之，論傷寒者居半，與今本傷寒論文字稍有異同，因孫氏所據者乃爲梁時舊本也。其全書所錄諸方，雖不無偏雜之處，而用意之奇，用藥之妙，亦自成一，家，有功後學，殊非淺渺。

孫思邈華原人，隋文帝輔政，以國子博士召，不拜，密語人曰：後五十

年有聖人出，吾且助之。唐永淳初卒，壽百餘歲。

唐王燾撰外台祕要四十卷，分一千一百零四門，先論後方，多以隋人巢元方諸病源候論爲主，所搜既博，而又多出古來專家之傳授，迥非憑虛臆度、自製一方者可比，亦醫家之鴻寶也。

王燾唐鄆縣人，性至孝，因母病，遂精醫，初仕徐州司馬，歷給事中，累遷至鄴郡太守。

(三) 宋

醫學至宋，受理學之影響，新說肇興，若理之本事物推求而得者，雖有差謬，不至過甚。奈宋時醫學，不就事實推求，以當時儒家所說之理以爲理，卽就此理推衍之，更執此推衍所得之理，以爲推衍之資，故愈趨而離真理愈遠矣。有劉溫舒者，始撰素問入式運氣論奧三卷，而以內經素問遺篇附刊其後，沈括之徒深信之。又有寇宗奭者，撰本草衍義二十卷，均始論及運

氣，冥心探索，因考試制度作俑，以五運六氣爲必修。更有龐安時者，著有傷寒總病論六卷，及難經辨，達數萬言。

宋代醫學雖無甚特色，而和劑局方、聖濟總錄之刊行，亦方劑類書著稱於世者。

龐安時字安常，蘄州人，古書無不讀，獨服膺於扁鵲云。

(四) 金元

新說之興，起於北宋，至金元四大家出，而其說復盛。劉完素（字守真，河間人）撰素問玄機原病式一卷，闡明六氣皆火化之理，推廣流行病學，如火之平氣曰昇明，火之太過曰赫曦，火之不及曰伏明，其虛實之辨，若冰炭之相反，然亦有一二方奇而安者，如防風通聖散、六一散之類，皆奇而不離於正也。朱震亨（字彥修，號丹溪，金華人）大倡古方不可治今病之論，謂欲起度量之規矩而稱權衡，必於素難諸經，故自名所著曰心法，又著

局方發揮，力闢溫燥之弊。其論治專以補陰爲宗，謂陽常有餘，陰常不足，雖曰自創一家，實則承河間而漸變者也。李東垣（名杲，字明之）專以脾胃立論，極言寒涼峻利之害。因其生當金元之交，中原擾攘，士失其所，人疲奔命，或以勞倦傷脾，或以憂思傷脾，或以飢飽傷脾，病有緩急，不得不以急者爲先，故獨重脾胃，倡土爲萬物之母，土強則生氣勃勃矣，於醫學則獨樹一幟，於後學則多開一門徑也。與丹溪同宗河間者，有張子和（名從正，號戴人），所著儒門事親等書，多以攻伐爲宗，意在驅邪，邪去則正安，不可畏攻而養病，其於汗、吐、下三法，運用最精，然子和之法，實證自不可廢，要亦宜中病而卽止，若太過，則元氣隨邪氣而俱散，挽無及矣。其間以註解傷寒論爲世推重者，有成無己（成氏本宋聊攝人，因聊攝地入金，故爲金人），並自著有傷寒明理論三卷，時年已八十，人僉以未及注金匱要略爲憾云。